

Хурматли Ёш Таҳлилчилар Клуби аъзолари! Ёш касбдошларимиз!

Ёшлар куни муносабати билан Ўзбекистон Республикаси Президенти ҳузуридаги Стратегик ва минтақалараро тадқиқотлар институти жамоаси номидан Сизларга самимий қутловлар ва энг эзгу тилакларни изҳор этишга ижозат бергайсиз.

Бугун Сизлар Ўзбекистон Президенти Шавкат Мирзиёев бошчилигида ёшларни ўз мақсади йўлида оғишмай ҳаракат қиласиган ва келажакка қатъий ишонч билан қарайдиган баркамол авлод этиб тарбиялаш борасида мамлакатимизда амалга оширилаётган улкан ишларнинг бевосита иштирокчиси ва гувоҳи бўлиб турибсиз.

Келажак эса Сиз, ёшлардан, доимий равишда ўз устида ишлаш, креатив ёндашув, ташабускорлик ва масъулиятлилик, жамият ҳаётида фаоллик ва юксак ватанпарварликни талаб қилмоқда.

Шуни алоҳида таъкидлашимиз керакки, айни шу мақсад ва вазифалар ижроси Ёш Таҳлилчилар Клуби доирасида олиб борилаётган ишларимизнинг асосини ташкил этади.

Сизлардек ҳаракатчан ва иқтидорли ёшларнинг СМТИнинг турли баҳс-мунозара ва мулоқот майдонларида тадбирларида фаол иштироки орқали биз Сизлар билан ҳамкорликда босқичмабосқич Ўзбекистонда миллий эксперталар ҳамжамиятининг шаклланиши ва ривожланишига ўз ҳиссамизни қўшмоқдамиз.

Ишончимиз комилки, биргаликдаги фаолиятимизнинг натижаси мамлакатимизни модернизация қилиш жараёнларида амалий аҳамият касб этади.

Бизнинг жамоамиз келгусида ҳам Сизларнинг энг ёрқин инновацион ғоя ва лойиҳаларингизни қўллаб-қувватлашга тайёр.

Сизларга юксак билим чўққиларини зabit этишда туганмас куч-қувват, мақсадга интилувчанлик ва ижодий изланувчанлик, қатъийлик ва мустаҳкам иродадоимо ҳамроҳ бўлишини тилаймиз!

**Ўзбекистон Республикаси Президенти ҳузуридаги
Стратегик ва минтақалараро тадқиқотлар институти
жамоаси**